



Broj: 04-40-1-248/25
Sarajevo, 06.09.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 05.09.2025. do 08:30 sati 06.09.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 6 intervencija: dvije intervencije na gašenju kontejnera sa smećem i četiri obezbjeđenja pretakanja goriva na sarajevskom Aerodromu.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 05.09.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Obilaskom lokaliteta Curine njive na igralištu sa gornje strane urađena je drenaža i voda skreće na drugu stranu prema potocima u šumu cca 30 metara od igrališta. Na igralištu nema vode, dok je ispod igrališta vidljiva vlaga, odnosno vlažno zemljište i manji bazeni s vodom. Stanje vizuelno isto kao i predhodnih dana. Dotok vode sa drenaže i sa izvora u manjim količinama. Vidljiva mala erozija u vidu osipanja zidova klizišta. Klizanje terena i nanošenja neželjenih posljedica po stanovništvo, potrebno je djelovati na sanaciji klizišta i odvodnje. Ocjena rizika: Lokalitet je ocijenjen kao uslovno kritičan zbog geoloških procesa, te zahtijeva kontinuiran nadzor.

2. Knjeginjac (Opština Istočni Stari Grad):

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i uticaj atmosferskih faktora. Lokacija Knjeginjac vidljivo je slijeganje deponije, kao i osipanje zemlje sa iste, na nasipu su vidljive i bare sa vodom. Donji dio nasipa je vlažan urađena drenaža odvodnje i blago vidljivo klizanje tla. Ocjena rizika: Slijeganje deponijskog materijala i erozija usljed atmosferskih uticaja.

3. Bistrički potok (Općina Stari Grad Sarajevo – Boguševac i Opština Istočni Stari Grad):

Korito potoka je i dalje djelimično zatrpano zemljano-kamenim materijalom i obrušenim stablima. Nisu evidentirane nove degradacije, niti su poduzete aktivnosti na uklanjanju postojećih prepreka. Na lokaciji Bistričkog potoka i duž istog se ne izvode radovi za raščišćavanje tako da je isti u dijelu nasipa dalje zatrpan sa kamenjem i stablima. Nema dotoka vode kroz Bistrički potok sa Trebevića dok se sa kapitaže izvora kod mosta na Boguševcu i dalje ulijeva višak vode ali u manjim količinama u korito potoka. I dalje Postoji mogućnost rizika plavljenja i klizanja terena
Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 16°C, vlažnost zraka 74%, barometarski pritisak 947,5 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a

DODATAK

IZVJEŠTAJ iz Starog grada koji smo dobili nakon slanja našeg Redovnog izvještaja

Dana 05.09.2025.godine, izvršen je terenski obilazak ključnih lokaliteta navedenih u Preliminarnom izvještaju Zavoda za izgradnju Kantona Sarajevo, pri čemu su utvrđena sljedeća stanja:

1. Lokalitet "Curine njive" (Opština Istočni Stari Grad / Općina Stari Grad Sarajevo – Bostarići)

Geološke promjene: Uočene su geološke promjene, uključujući formiranje pukotina usljed atmosferskih uticaja i pucanja tla (na dijelu "Curine njive ispod igrališta" – dio šumskog zemljišta).

Hidrološki uticaji: U skladu sa Izvještajem o radu Interinstitucionalne - radne grupe u procjeni stanja na lokalitetima klizište Curine njive i Bistrički potok sa prijedlogom intervencije i trajnih mjera od 15.10.2024.godine, izvršeno je izvođenje drenažnih kanala i kontrolisana odvodnja vode iz tijela klizišta do najbližeg recipijenta. Usljed atmosferskih uticaja prisutna je erozija dijela zemljišta.

Nadzor: Vizuelnim pregledom lokaliteta klizišta ustanovljeno je da je tlo znatno natopljeno vodom uslijed prethodnih padavina. Na pojedinim dijelovima, posebno ispod igrališta, primjetna je pojačana erozija tla. Na tom dijelu klizišta tlo je vidljivo vlažnije u odnosu na ostatak terena, a zapaženo je i pomjeranje već odlomljenih segmenata zemlje. Također, evidentirano je pojačano prisustvo vode koja dolazi iz pravca deponije, te se ista slijeva u drenažni kanal. Na završetku kanala zabilježen je pojačan protok vode, što dodatno ukazuje na aktivno zasićenje tla i povećanje vodnog pritiska u zoni klizišta.

I dalje je pripravnost vatrogasaca DVD Vratnik, Savjet mjesne zajednice Širokaća i Klico trans d.o.o.

Ocjena rizika: Lokalitet je ocijenjen kao uslovno kritičan zbog geoloških procesa te zahtijeva kontinuiran nadzor.

2. Lokalitet "Knjeginjac" (Opština Istočni Stari Grad)

Stanje deponije: Nije zabilježeno novoodlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i uticaj atmosferskih faktora.

U donjem dijelu deponije i dalje je vidljivo prisustvo vode, što upućuje na nedovoljnu kontrolu površinskih i podzemnih voda.

Nadzor: Na lokalitetu deponije zapaženo je vlažno i natopljeno tlo, a na površini se može uočiti slijeganje zemljane mase prema donjem dijelu deponije. Na tom mjestu je primjetna pukotina koja se, u odnosu na prethodni dan, dodatno proširila. U donjoj zoni deponije primjećeno je pojačano prisustvo vode, brazdanje tla, te formiranje stalno plavljenih površina i manjih potoka. U rigolu iznad ceste nije zabilježeno prisustvo vode.

Radovi: U skladu sa Izvještajem o radu Interinstitucionalne - radne grupe u procjeni stanja na lokalitetima klizište Curine njive i Bistrički potok sa prijedlogom intervencije i trajnih mjera od 15.10.2024.godine na predmetnom lokalitetu su izvedeni radovi na drenažnim kanalima, čime se obezbijedila efikasna odvodnja površinskih voda.

Na donjem dijelu deponijskog materijala, stručni tim Instituta za geotehniku i geološko inženjerstvo sa Građevinskog fakulteta u Sarajevu proveo je geotehnička istraživanja tla, uključujući izradu geoloških bušotina, i prikupio podatke potrebne za procjenu svojstava tla i izradio projekt sanacije aktivnog klizišta.

Ocjena rizika: Slijeganje deponijskog materijala i erozija usljed atmosferskih uticaja.

3. Lokalitet "Bistrički potok" (Općina Stari Grad Sarajevo – Boguševac / Opština Istočni Stari Grad)

Stanje korita: Korito potoka je i dalje djelimično zatrpano zemljano-kamenim materijalom i obrušenim stablima.

Degradacija: Nisu evidentirane nove degradacije, niti su poduzete aktivnosti na uklanjanju postojećih prepreka.

Nadzor: Na lokalitetu potoka stanje je nepromijenjeno u odnosu na prethodni dan. Dotok vode iz pravca Trebevića je slab, a u koritu potoka, u donjem dijelu od mosta na Boguševcu, nisu uočene vidljive prepreke. Ipak, na lokalitetu iznad mosta, koji pripada općini Istočni Stari Grad, i dalje je prisutno kamenje i oborena stabla u koritu potoka.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale usljed promijenjenog toka vode.

4. Evakuacija stanovništva s ugroženih područja

Na osnovu Naredbi Štaba civilne zaštite Kantona Sarajevo (br.08-40-1128-2/24 od 01.11.2024.godine i br.08-40-1128-2.1/24 od 20.11.2024.godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma.

U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.